

SALA SENADOREARI HIRU URTE EZARRI DIZKIOTE ETA NAVARRO DIPUTATU OHIARI, BERRIZ, 11

'Filesa auziko' arduradunak espetxearekin zigortu ditu Gorenak

Auzitegi Gorenak espetxe zigorra ezarri zien atzo 'Filesa auzian' epaitutako zortzi laguni, eta lau kargurik gabe utzi zituen. Josep Maria Sala senadoreak hiru urteko zigorra jaso arren ez du kartzelara joan beharko, zigorrik handiena bi urtekoa delako.

Erredakzioa / Donostia

ATZO jakinarazitako epaian, Auzitegi Gorenak frogatutzat jo du PSOEek legez kanpo finantzatzeko sare bat osatu zuela Filesa, Male-sa eta Time Export enpresen bidez. Filesa holdingari esker, alderdi sozialistak 1.000 milioi pezetatik gora jaso zituen 1987tik aurrera. Banku batzuek eta enpresa batzuek eman zioten PSO-Eri dirua, baina horren truke zer jaso zuten ez da sekula argitu. Banco Central eta haren filial Cepsa izan ziren diru gehien pagatu zutenak -446 milioi pezeta- eta BBV, adibidez, 84 milioi ordaindu zituen. Enpresari gehien aurkako akusazioak bertan behera geratu ziren auzibidean haien enpresei ez baitzitzaizien kalterik egin eta azkenean bi baizik ez ditu zigortu: Eugenio Marin Fecsa elektrikako ordezkariak eta Juan Molina ENASAKoak sei hilabeteko zigorra jaso dute bidegabeko jabetzeagatik.

Epaiak Carlos Navarro PSOEko diputatu ohiari ezarri dio espetxe zigorrik handiena, 11 urtekoa hain zuzen ere. Auzitegi Gorenak legez kanpoko elkartea osatzea, agiri publikoak faltsutzea eta Ogasun Publikoaren aurkako delitua leporatu dizkio Navarrori, Filesa enpresa taldearen sortzaile izan zelakoan. Navarro PSOEko diputatu izan zen 1993 arte.

Salak kartzela sailhestu du • Josep Maria Sala Kataluniako Sozialisten Alderdiko (PSC) senadoreak, berriz, guztira hiru urteko espe-



Carlos Navarro eta Josep Maria Sala Auzitegi Gorenean, uztailaren 1ean, epaiketa hasi zenean.

JOSE LUIS DEL PINO / EFE

txe zigorra jaso du: bi urtekoa legez kanpoko elkarteko kide izateagatik eta urtebeteko agiriak faltsutzeagatik. Aurrekaririk ez zenez eta zigorrik handiena bi urte baizik ez direnez, Sala kalean geratuko da. Filesaren eguneroko kudeakuntzaz arduratzen ziren Luis Oliverok eta Alberto Floresek hamar urteko kartzela zigorra jaso dute, bidegabeko elkartea eratzegatik, faltsukeriagatik eta Ogasunaren aurkako delitu batengatik.

PSOEren zenbait hauteskunde

gastu ordaintzeaz akusatutako Aida Alvarez finantza arduradun ohia eta haren senar Miguel Molledok, berriz, bi urte, lau hilabete eta egun bateko zigorra jaso dute. Alvarezek, Molledok, Oliverok, Floresek eta Navarrok kartzelan sartzeko adina zigor jaso dute, baina kalean geratuko dira, Auzitegi Konstituzionalean errekurtsioa jartzea erabaki baitute.

Sozialistek arratsalde amaieran eman zuten epaiari buruzko iritzia. Joaquin Almunia PSOEko idazkari nagusiak azaldu zuenez,

PSOEek onartzen du epaia, baina zigorrak neurritz kanpokoak direla uste du. Alderdiaren egoitzan egindako agerraldian, prozesu judizialaren «instrukzio irregularra» kritikatu zuen, eta justizia ez dela guztiontzat berdina salatu zuen Almunia. Salaren etorkizunari buruz ez zuen ezer esan. Iuko Rosa Aguilarrek esan zuen epaia «garai baten amaiera» dela, eta azpimarratu zuen pertsona batzuen ordez «13 urtez boterean izan den alderdi baten finantzaketa irregularra» zigortu dutela.

Gomez de Liañori 350.000 pezetako zigorra ezarri diote magistratuei errespeturik ez izateagatik

■ Epailleak agian prebarikazioa egin zuela uste du CGPJk

Efe / Madril

ESPAINIAKO Botere Judizialaren Kontseilu Nagusiko (CGPJ) diziiplina batzordeak 350.000 pezetako isuna (14.000 libera) ezarri dio Javier Gomez de Liaño epaileari, Sogecable auzian bere erabaki batzuk aldatu zituzten magistratuei «zor dien errespetua» izan ez zielako. Diziiplina batzordeak CGPJko plenoari igorri dio Gomez de Liañoren espediente, epailearen jardunean prebarikazioa izan zela uste duelako. Espediente Jose Jimenez Villarejo Auzitegi Goreneko bosgarren salako epailleak egin zuen.

Joan den uztailaren 2an ireki zion CGPJk espediente Entzutegi Nazionalako epaileari. Egun batzuk aurretik, Gomez de Liaño epailleak kritika gogorak egin zizkion Siro Garciari, Entzutegi Nazionalako bigarren salako epaileburuari. Izan ere, Entzutegi Nazionalako sala horrek baliogabetu egin zituen Gomez de Liañok Sogecable auzian hartutako sei ebazpen. Baliogabetze batean, magistratuek erabaki zuten auziak ez zuela sekretupean jarraitu behar, eta Gomez de Liaño epailleak erantzun zuen sekretupetik ateratzeko neurri hori «bidegabekoa» eta «gehiegizkoa» izan zela. Gainera, Gomez de Liaño epailleak akusazioei eta fiskalari iradoki zien Entzutegi Nazionalako bigarren salako epaileek delitu edo falta bat egin zutela sumarioa ireki zutelako.

Sogecable auzian ikertzen da Canal Plus telebista pribatuko arduradunek delitua egin zutenentz bezeroen fidantzako dirua beste zeregin batzuetarako erabili zutenean. Auzia Jaime Capmany Epoca aldizkariako zuzendariak bultzatu zuen. Capmany Abc egunkari kontserbadoreko zutabegilea da, eta PP alderdiko sektore eskuindarrenetzat jotzen dute. Canal Pluseko arduradunen iritziz, auzi horretan Gomez de Liaño epailleak PPren interesak defenditu ditu hasieratik. Joan den ostiralean, Ismael Moreno Entzutegi Nazionalako epailea Sogecable auzitik kanpo utzi zuen Gomez de Liaño, afera horretan ez zuelako ematen «gutziz independentea» zen irudia. Canal Plus telebista pribatuko arduradunek errefusatu zuten Javier Gomez de Liaño epailea. X

Auzi luze eta korapilotsua

Sei urteko instrukzioaren ostean, Auzitegi Gorenak hilabete bat behar izan du Filesa auziko epaia jakinarazteko:

- ✱ **1991ko maiatzaren 29:** Filesa auziaren berri jakin zen, Filesatik kanporatutako Carlos Van Schouwen kontablearen salaketaren ondoren. El Mundo-k kaleratu zituen Van Schouwenen salaketak. Leopoldo Torres orduko fiskal nagusiak ikerketa agindu zuen eta Kontu Auzitegia PSOEren kontuak aztertzen hasi zen.
- ✱ **1992ko irailak 7:** Marino Barbero Auzitegi Goreneko epailea auziaz eskusiban arduratzen hasi zen.
- ✱ **Azaroak 18:** Barberoren aginduz PSOEren egoitza nagusia arakatu zuten, finantzaketari buruzko agiriak bila. Aurretik, Espainiako Bankuan Filesari buruzko informazioa bildu zuen Barberok. Abenduaren 18an eta 21ean berriz miatu zuten Ferraz kaleko egoitza sozialista.
- ✱ **1993ko urtarrilak 20:** Barbero kexu da PSOEek "Justiziaren lana tratatzen duela". Gonzalezek salaketa ukatu zuen.
- ✱ **Martxoak 22:** Ogasuneko perituen arabe-

- ra, Filesak 1.000 milioi pezeta jaso zituen sekula egin ez zituen txostenen truke, PSOEren faktura faltsuak pagatu zituen eta alderdia legez kanpo finantzatzen zuen. Gonzalezek iragarri zuen dimitituko zuela erantzule politikoa zela erakusten bazen. PSOEren barnean krisi gogorra piztu zen, Gonzalezek hauteskundeak aurreratu eta ozta-ozta irabazi zituen.
- ✱ **Abenduak 1:** Senatuak immunitatea altxa zion Josep Maria Sala PSCko senadoreari.
- ✱ **1994ko urtarrila:** Ustez PSOEri dirua eman zioten 43 enpresa eta bankuetako zuzendariak deklaratzeko hasi ziren Barberoren aurrean.
- ✱ **1995eko otsailak 22:** Barberok Alfonso Guerraren suplikatorioa eskatu zuen, baina Auzitegi Gorenak ez zion onartu.
- ✱ **Maiatzak 4:** Epailleak 39 lagun inkulpatu zituen, haien artean PSOEri dirua eman ziotenak.
- ✱ **Irailak 15:** Juan Carlos Rodriguez Ibarra

- Extremadurako presidenteak "terroristen pareko" deitu ziolako presionatuta zegoen Barbero, eta, botere judizialaren babesa jaso ez zuenez, epailetza utzi zuen. Enrique Bacigalupok ordezkatu zuen.
- ✱ **Abenduak 22:** Bacigalupok zazpi lagun soilik epaitzea erabaki zuen.
- ✱ **1996ko abenduak 20:** Auzitegi Gorenak erabaki zuen 26 lagun epaituko zituztela.
- ✱ **1997ko uztailak 1:** Epaiketa hasi zen, prozedurari buruzko eztabaidarekin.
- ✱ **Uztailak 21:** Auzitegi Gorenak PPren akusazioa baliogabetu zuen eta hamar akusatu auzitik kanpo utzi zituen, haien artean Guillermo Galeote PSOEko finantza arduradun izandakoa. PSOE pozik.
- ✱ **Irailak 3:** Oporren ondotik berriz hasi zen Filesa auziaren epaiketa. Irailak 22an Gonzalezek eta Guerrak deklaratu zuten eta alderdiaren kontabilitateari erreparatu ez ziotela ziurtatu zuten. Auzia urriaren 1ean bukatu zen. X